

Narodni Evropski Savez – NES
Općinski odbor Novo Sarajevo
Adresa: Marka Marulića br.2, 71000 Sarajevo
E-mail: info@nes.ba



Broj: _____
Datum: 28.10.2021.

Općina Novo Sarajevo
Općinsko vijeće Novo Sarajevo
n/r predsjedavajući, Robert Pleše

Na osnovu odredbi člana 13. Zakona o principima lokalne samouprave u FBiH", (Službene novine Federacije BiH)", broj 49/06 i člana 19. Statuta Općine Novo Sarajevo ("Službene novine Kantona Sarajevo", broj 35/10), člana 22. stav 5. Poslovnika Općinskog vijeća - prečišćeni tekst ("Službene novine Kantona Sarajevo", broj: 37/13, na 9. sjednici Općinskog vijeća od 28.10.2021. godine, podnosim:

INICIJATIVU

Za refundiranje - sufinansiranje nabavke senzora za mjerenje šećera u krvi

Obrazloženje: Na prijedlog 'Udruženja oboljelih od dijabetisa tip 1' iz Sarajeva, podnosim inicijativu da se uvrsti u Budžet za 2022 godinu, refundiranje - sufinansiranje nabavke senzora za mjerenje šećera u krvi bolesnicima dijabetesa tipa 1. Trenutno u Kantonu Sarajevo građani imaju pravo na samo jedno mjerenje, tj. na jednu trakicu dnevno, ostale moraju ili kupovati ili što je čest slučaj uopšte ne mjere šećer i tako se često dovode u životnu opasnost, ali i svoju regulaciju bolesti dovode u pitanje. Prosječan životni i radni vijek ove populacije je znatno snižen i zato trebamo učiniti sve potrebno da im se olakša. U našoj državi se 80% sredstava koja se izdvajaju za dijabetes koristi za liječenje brojnih komplikacija, a samo 20% na samu prevenciju. Vrijeme je da se taj omjer mijenja, dokazano da se primjenom kontinuiranih mjerača poboljšava regulacija šećerne bolesti i samim tim preveniraju brojne i za liječenje skupe komplikacije (amputacija, transplatacija, bubrega, bolesti oka koji vode do sljepila i druge brojne bolesti).

Narodni Evropski Savez – NES
Općinski odbor Novo Sarajevo
Adresa: Marka Marulića br.2, 71000 Sarajevo
E-mail: info@nes.ba



S toga predlažem da Općina Novo Sarajevo sufinansira troškove kontinuiranih mjerača-senzora za mjerenje šećera u krvi u 2022. godini. Koriste se 2 mjerača u pravilu mjesečno, jer svaki traje 14 dana, s ciljem da olakšamo oboljelim predlažemo da Općina Novo Sarajevo finansira iznos 50%, tj. jedan senzor mjesečno iznosi 120 KM, što bi za jednog oboljelog u 2022. godini iznosilo 1440 KM, ali bi to bila njihova nada za očuvanje zdravlja. Tačan broj oboljelih iznad 18 godina u našoj Općini bi se mogao dobiti od ZZO KS zvaničnim upitom. Podržavam bilo kakvu dodatnu razradu ove inicijative, pod uslovom da se ovoj kategoriji pomogne.

Dostaviti:

1. Općinskom vijeću
2. Načelniku Općine
3. Arhiva

VIJEĆNIK OV NOVO SARAJEVO
Nedim Salihagić
